

# Khamoshiyan (Title Track) Lyrics

## English

Khamoshiyan aawaaz hain  
Tum sun'ne to aao kabhi  
Chhukar tumhe khill jaayengi  
Ghar inko bulaaao kabhi  
Beqarar hain baat karne ko  
Kehne do inko zaraa..

Khamoshiyan..teri meri khamoshiyan  
Khamoshiyan..lipti hui khamoshiyan

Kya uss gali mein kabhi tera jaana hua  
Jahaan se zamaane ko guzre zamaana hua  
Mera samay toh wahin pe hai thehra hua  
Bataaun tumhe kya mere sath kya kya hua

Khamoshiyan ek saaz hai  
Tum dhun koi laao zaraa  
Khamoshiyan alfaaz hain  
Kabhi aa gunguna le zara  
Beqarar hain baat karne ko  
Lyricsbogie.com  
Kehne do inko zaraa.. Haa..

Khamoshiyan..teri meri khamoshiyan  
Khamoshiyan..lipti hui khamoshiyan

Nadiya ka paani bhi khamosh behta yahaan  
Khili chandani mein chhipi lakh khamoshiyan  
Baarish ki boondon ki hoti kahaan hai zubaan  
Sulagte dilon mein hai khamosh uthta dhuaan

Khamoshiyan aakaash hai  
Tum udne toh aao zara  
Khamoshiyan ehsaas hai  
Tumhe mehsoos hoti hai kya  
Beqarar hain baat karne ko

Kehne do inko zara.. Haa..

Khamoshiyan..teri meri khamoshiyan  
Khamoshiyan..lipti hui khamoshiyan.

More Lyrics from [Khamoshiyan](#)

lyrics  
bogie